

# An Scéim Rannpháirtíochta san Ailtireacht 2018

## Treoirlínte d'iarratasóirí

Spríocdháta: 5.30pm, Déardaoin, 7 Meitheamh 2018

### An Scéim Rannpháirtíochta san Ailtireacht: seicliosta don iarratas

Úsáid na seicliostaí thíos chun a chinntiú go bhfuil d'iarratas ar mhaoiniú faoin Scéim Rannpháirtíochta san Ailtireacht comhlánaithe go hiomlán.

#### Míreanna atá éigeantach i gcás gach iarratais (seiceáil gach ceann de na míreanna seo)

- Tá gach cuid d'fhoirm iarratais na Scéime Rannpháirtíochta san Ailtireacht a bhaineann le m'iarratas comhlánaithe agam.
- Tá CVanna cothrom le dáta i dtaobh an phríomhphearsanra go léir ullmhaithe agam, agus tá siad sin réidh le huaslódáil agam.
- Tá gach ábhar tacaíochta atá riachtanach ullmhaithe agam (mar a shonraítear i gcuid 1.7 thíos) agus tá siad sin réidh le huaslódáil agam.

#### Míreanna atá éigeantach i gcás iarratais áirithe (seiceáil iad siúd a bhaineann le d'iarratas)

- Éilíonn an Chomhairle Ealaíon ar gach duine aonair agus ar gach eagraíocht a sholáthraíonn seirbhísí (mar shampla seirbhísí cultúrtha, áineasa, oideachais) do leanaí agus do dhaoine óga atá faoi bhun ocht mbliana déag d'aois beartais agus nósanna imeachta oiriúnacha um chosaint leanaí a chur i bhfeidhm. Agus iarratas á dhéanamh agat, caithfidh tú a chur in iúl cé acu a bhaineann do thogra leis an aoisghrúpa seo nó nach mbaineann. Má fhreagraíonn tú 'Tá' ar an gceist seo san fhoirm iarratais agus má éiríonn le d'iarratas, beidh ort, mar choinníoll maoiniúcháin, a dheimhniú agus a léiriú go bhfuil beartais agus nósanna imeachta oiriúnacha um chosaint leanaí i bhfeidhm agat. Tá tuilleadh eolais ar [www.tusla.ie](http://www.tusla.ie).
- Tá obair le hainmhithe i gceist mar chuid de mo thogra, agus tá cóip den cháipéis *Beartais agus Nósanna Imeachta um Chosaint agus Leas Ainmhithe* de mo chuidse nó de chuid m'eagraíochta curtha isteach agam.
- Baineann eagraíocht chomhpháirtíochta/eagraíochtaí comhpháirtíochta le mo thionscadal beartaithe, lena bhfuil comhaontú doiciméadaithe/comhaontuithe doiciméadaithe agam atá réidh lena uaslódáil/lena n-uaslódáil agam.

#### Míreanna eile atá ábhartha do m'iarratas, dar liom (seiceáil iad siúd a bhaineann le d'iarratas)

- Braitheann mo thogra ar shaineolas daoine nó eagraíochtaí ainmnithe eile, agus tá cáipéis ina sonraítear na daoine sin agus a gcuid saineolais réidh le huaslódáil agam.
- D'ullmhaigh mé buiséad mionsonraithe ina leagtar amach an t-ioncam agus an caiteachas a bheartaítear don tionscadal, agus tá sé sin curtha san áireamh le m'fhoirm iarratais agam.
- Tá obair le daoine soghonta i gceist le mo thogra, agus tá admháil go gcloím leis na *Beartais agus Nósanna Imeachta Náisiúnta um Chosaint Daoine Soghonta atá i mBaol Mí-Úsáide* ar [www.hse.ie](http://www.hse.ie) curtha isteach agam.

#### An dara tuairim (seiceáil an mhír seo)

- D'iarr mé ar dhuine éigin eile m'iarratas a sheiceáil chun a chinntiú nach bhfuil aon earráidí ann agus nach bhfuil aon rud ar iarraidh.

### Cabhair a fháil maidir le d'iarratas

- Má tá ceist theicniúil agat faoi shuíomh gréasáin na Seirbhísí ar Líne a úsáid, is féidir leat ríomhphost a sheoladh chuig [onlineservices@artscouncil.ie](mailto:onlineservices@artscouncil.ie)
- Tá freagraí ar cheisteanna coitianta maidir leis na seirbhísí ar líne a úsáid ar fáil sa rannóg Ceisteanna Coitianta ar shuíomh Gréasáin na Comhairle Ealaíon ag: <http://www.artscouncil.ie/ga/FAQ/online-services.aspx>
- Téigh chuig an nasc seo a leanas chun féachaint ar ár dtreoir ar YouTube maidir le hiarratas a dhéanamh: <http://www.youtube.com/artscouncildemos>
- Má tá cabhair uait maidir leis an méid atá i d'iarratas, cuir glaoch ar an gComhairle Ealaíon ar 01 6180200 nó cuir ríomhphost chugainn ag [awards@artscouncil.ie](mailto:awards@artscouncil.ie)
- Déanann an Chomhairle Ealaíon gach iarracht freastal réasúnta a dhéanamh ar dhaoine atá faoi mhíchumas ar mian leo iarratas a chur isteach nó a bhfuil deacrachtaí acu teacht ar Sheirbhísí ar Líne. Má tá riachtanas speisialta agat sa réimse sin, déan teagmháil le Adrienne Martin, Oifigeach Rochtana na Comhairle Ealaíon, ar an nguthán (01 6180219) nó trí ríomhphost ([adrienne.martin@artscouncil.ie](mailto:adrienne.martin@artscouncil.ie)) trí seachtaine ar a laghad roimh an spriocdháta.

## 1. Faisnéis faoin Scéim Rannpháirtíochta san Ailtireacht

### 1.1 An spriocdháta chun iarratais a chur isteach

Ní mór gach iarratas a dhéanamh trí úsáid a bhaint as Seirbhísí ar Líne na Comhairle Ealaíon.

Is é an spriocdháta i gcomhair iarratas:

**5.30pm, Déardaoin, 7 Meitheamh 2018**

### 1.2 Cuspóirí agus tosaíochtaí na scéime

Is é cuspóir na Scéime Rannpháirtíochta san Ailtireacht tacaíocht a thabhairt do thionscnaimh uailmhianacha, nuálacha agus chruthaitheacha ar ardchaighdeán – e.g. taispeántais, imeachtaí, féilte agus cláir. Tá sé mar aidhm shonrach aici cur le taithí an phobail ar an ailtireacht agus a rannpháirtíocht léi. Aidhm eile na Scéime is ea gréasán ailtirí, coimeádaithe, ríomhchláraitheoirí ealaíon, féilte agus ionaid ealaíon sa réimse cleachtais seo a chruthú. Tabhair faoi deara go bhféadfaí iarraidh ar iarratasóirí a n-éiríonn leo a bheith rannphárteach i dtionscadal taighde de chuid na Comhairle Ealaíon, chun sonraí a bhailiú maidir le rannpháirtíocht an phobail san ailtireacht.

Tá dhá shraith sa scéim seo:

#### Sraith 1: Forbairt tionscadail

Is é cuspóir an tsraith seo deis a thabhairt d'iarratasóirí chun smaointe a fhiosrú, a thástáil, agus chun tabhairt faoi réamhforbairt ar thionscadal. D'fhéadfaí é sin a dhéanamh i gcomhar le daoine eile (e.g. ealaíontóirí, eagraíochtaí, grúpaí pobail, údarais áitiúla, ionaid nó féilte, etc.). Cé nach rud riachtanach é, spreagtar an t-iarratasóir chun meantóir\* oiriúnach (Éireannach nó idirnáisiúnta) a shainiú agus oibriú leo, nó foirmeacha tacaíochta eile a mholadh i dtreo saineolais sa réimse oibre seo a láidriú.

\*Sa chomhthéacs seo, sainmhínítear meantóir mar dhuine ag a bhfuil taithí i dtionscadail a choimeád, a chlárú nó a fhorbairt don phobal, ar bhonn náisiúnta nó idirnáisiúnta. D'fhéadfadh go mbeadh an duine sin ina (h)ailtire nó go mbeadh cleachtas ailtireachta aige/aici ach ní gá go mbeadh.

D'fhéadfadh an méid seo a leanas a bheith i gceist le tograí féideartha faoin tsraith seo:

- Am a bheith ag teastáil i gcomhair forbartha
- Forbairt a bheith ag teastáil i gcomhar le daoine eile – e.g. pobal nó lucht féachana/éisteachta ar leith agus/nó comhpháirtí comhoibríoch
- Tairbhe a bhaint as eolas agus taithí meantóra
- Ar bun ag ailtirí nó céimithe ailtireachta, cleachtóirí ealaíne nó coimeádaithe ar mian leo taithí a fhorbairt sa réimse cleachtais ar leith seo.

## Sraith 2: An tionscadal a chur i gcrích

Is é cuspóir an tsnáithe seo tacaíocht a thabhairt do thionscadail nuálacha agus uaimhianacha a bhfuil sé mar aidhm shonrach acu taithí an phobail i leith na hailtireachta a fheabhsú agus a mhéadú.

D'fhéadfadh an méid seo a leanas a bheith i gceist le tograí féideartha faoin tsraith seo:

- Seachadadh tionscadail/cláir atá leagtha amach go soiléir, a bhfuil sé mar chuspóir lárnach aige rannpháirtíocht an phobail san ailtireacht a ghríosú
- Nuálach agus uaimhianach sna bealaí ina ndéantar ailtireacht a thaispeáint, a chur in iúl, a phlé agus a chur i láthair.

Cuireann straitéis deich mbliana na Comhairle Ealaíon (2016–2025), *Saothar Ealaíne Iontach a Tháirgeadh: Forbairt na nEalaíon in Éirinn a Threorú* an bonn eolais faoi na dámhachtainí uile (féach anseo:

<http://www.artscouncil.ie/ga/straitéis-na-comhairle-ealaion/>).

### 1.3 Cé atá i dteideal iarratas a dhéanamh?

Féadfaidh daoine aonair, údaráis áitiúla agus eagraíochtaí iarratas a chur isteach ar an Scéim Rannpháirtíochta san Ailtireacht.

Tá eagraíochtaí a fhaigheann maoiniú trí chláir deontais eile de chuid na Comhairle Ealaíon i dteideal iarratas a chur isteach.

Féadfaidh daoine atá ina gcónaí i bPoblacht na hÉireann agus eagraíochtaí atá bunaithe i bPoblacht na hÉireann cur isteach ar an dámhachtain. Bíonn cásanna eisceachtúla ann nuair a ghlacann an Chomhairle Ealaíon le hiarratais incháilithe ó dhaoine nach cónaitheoirí de chuid Phoblacht na hÉireann iad. Sula n-admhóidh an Chomhairle Ealaíon go bhfuil iarratas den sórt sin incháilithe, áfach, bheadh ar an gComhairle a bheith sásta go gcuirfeadh torthaí togra den sórt sin leis na healaíona i bPoblacht na hÉireann.

Tá an Chomhairle Ealaíon tiomanta don chothromas agus don chuimsiú agus fáiltíonn sí roimh iarratais ó dhaoine nó ó ghrúpaí ó phobail ina bhfuil cultúir éagsúla agus ó dhaoine faoi mhíchumas.

#### Cé hé an t-iarratasóir?

Is ionann an t-iarratasóir agus an duine nó an eagraíocht a gheobhaidh aon deontas a thairgfear agus a bheidh freagrach as glacadh le téarmaí agus le coinníollacha an deontais sin.

Ní íocfar aon deontas a thairgfear ach isteach i gcuntas bainc atá á shealbhú in ainm an iarratasóra.

Ní mór na doiciméid go léir a chuirfear ar fáil a bheith in ainm an iarratasóra (ealaíontóir aonair nó eagraíocht). Mar shampla, má dhéanann tú iarratas chuig an gComhairle Ealaíon ar mhaoiniú faoin ainm Máire de Barra, níor mhór go mbeadh gach doiciméad, lena n-áirítear sonraí bainc agus sonraí cánach, san ainm sin. Ní ghlacfar le leaganacha malartacha amhail Mary Barry nó Barry Studios.

### 1.4 Cé nach bhfuil i dteideal iarratas a dhéanamh?

- Daoine atá i mbun oideachas fochéime nó iarchéime faoi láthair nó a bheidh ina bhun le linn na tréimhse a bhfuil an dámhachtain seo ar fáil.

### 1.5 Cad ar ar féidir leat iarratas a dhéanamh?

Sraith 1:

Is é an t-uasmhéid a dhámhfar ar gach iarratas rathúil:

Sraith 2:

Is é an t-uasmhéid a dhámhfar ar gach iarratas rathúil:

€2,000
€20,000

Faoi Shnáithe 1, féadfaidh tú iarratas a dhéanamh ar mhaoiniú chun na costais a sheasamh maidir le taighde agus forbairt i dtreo tionscadail a bhfuil rannpháirtíocht an phobail ina chroílár – táillí ealaíontóirí, táillí meantóirí, costais taistil, costais forbartha agus taighde.

Faoi Shnáithe 2, féadfaidh tú iarratas a dhéanamh ar mhaoiniú chun na costais a sheasamh maidir le cur chun feidhme clár/tionscadal a bhaineann le rannpháirtíocht an phobail san ailtireacht – e.g. táillí ealaíontóirí, ionad

a fháil ar cíós, costais a bhaineann le suiteáil nó le cur i láthair, an costas a ghabhann le tionscnaimh forbartha lucht féachana, for-rochtain agus oideachas, costais mhargaíochta agus phoiblíochta, costais taistil agus speansais ealaíontóirí.

Ní mór gníomhaíochtaí a dtugtar maoiniú faoina gcoinne a chur ar siúl laistigh de bhliain amháin ón am a fhógraítear tairiscint maoinithe.

Soláthróidh tú sonraí an chaiteachais bheartaithe i gcuid 3 den fhoirm iarratais. Mar aon leis sin, ní mór duit doiciméad buiséid eile a chur isteach ina leagtar amach imlíne an chaiteachais agus ioncaim bheartaithe leis na sonraí cuí – ba cheart go mbeadh sé seo i ndoiciméad téacs nó scarbhileoige.

Chomh maith leis an teorainn a luaitear thuas, déanfaidh an Chomhairle Ealaíon breithniú ar chostais a bhaineann go sainiúil le healaíontóirí faoi mhíchumas a bheith ag saothrú ealaíne. Más mian leat cur isteach ar mhaoiniú breise ar an mbonn sin, ba chóir duit faisnéis ina sonraítear na costais bhreise sin a chur ar fáil le d'iarratas.

Seo a leanas roinnt samplaí de thionscadail a fuair maoiniú faoin Scéim Rannpháirtíochta san Ailtireacht:

- Rinne céimí ailtireachta taighde agus forbairt ar an spéis a bhí aici sa chaoi a mbaineann grúpa sonrach ban úsáid as spás ina saol ó lá go lá. D'oibrigh sí i gcomhar le heagraíocht acmhainní agus le hionad ealaíon (Snáithe 1).
- Chomhoibrigh ailtire le déantóir scannán i dtreo clár faisnéise a dhéanamh ina n-inseofar scéal pobail agus a gceangal le háit (Snáithe 1).
- Chomhoibrigh ealaíontóir le hailtire i dtreo tionscadal mórsála a fhorbairt ina ndéanfar scrúdú ar ghnéithe den fhuaim i gcomhthéacs uirbeach (Snáithe 1).
- Rinne ailtire coimeádaíocht ar thaispeántas le clár sonrach a bhí leagtha amach chun rannpháirtíocht bhríoch an phobail a spreagadh i dtaca leis an gcoincheap, an t-ábhar agus na téamaí a cuireadh i láthair (Snáithe 2).
- D'oibrigh grúpa óige atá bunaithe in ionad ealaíon le hailtire chun fearas taistil, idirghníomhach a dhéanamh a chuir ar chumas an phobail féachaint ar a gcomhshaol áitiúil ar bhealach nuálach (Snáithe 2).
- Chuaigh údarás áitiúil i mbun comhpháirtíochta le hailtirí, eagraíochtaí agus le healaíontóirí chun clár leanúnach gníomhaíochta atá tiomnaithe don ailtireacht a sheachadadh (Snáithe 2).
- D'oibrigh líonra ionad ildisciplíneach le chéile chun clár imeachtaí a sheachadadh bunaithe ar shaothar sonrach arna dhéanamh ag ealaíontóir i gcomhar le céimithe ailtireachta (Snáithe 2).

### Cé mhéad maoinithe ar féidir leat iarratas a dhéanamh air?

Is ionann an t-uasmhéid maoinithe is féidir leat a iarraidh agus an difríocht idir an **caiteachas beartaithe** agus an **t-ioncam beartaithe** a shonraíonn tú i gcuid 3 den fhoirm iarratais.

- Ba cheart go n-áireofaí leis an gcaiteachas beartaithe táillí na n-ealaíontóirí agus/nó na meantóirí, costais taibhléiríthe, costais maidir le cíós ar an ionad, costais theicniúla, costais mhargaíochta agus phoiblíochta, costais riaracháin, etc. Mar gheall ar an gcaoi a miondealaíonn tú na costais a bhaineann le do thogra agus ar an gcaoi a ndáileann tú na hacmhainní, bíonn tuairim mhaith ag measúnóirí na Comhairle Ealaíon faoi indéantacht do thionscadail agus faoi cibé acu an bhfuil nó nach bhfuil sé costáilte go réalaíoch.
- Ba cheart a áireamh leis an ioncam beartaithe an méid airgid a shíleann tú a gheofar ó mhaoinitheoirí eile, fáiltais ó dhíol ticéad, díolacháin, urraíocht tráchtála, etc.

Is tábhachtach freisin gach tacaíocht chomhchineáil a léiriú san ioncam agus sa chaiteachas araon chun fíorluach agus luach iomlán do thogra a chur in iúl.

---

<b>Nóta i dtaobh tacaíocht chomhchineáil</b>	Má tá tú ag súil le tacaíocht chomhchineáil a fháil, is gá duit luach airgeadais a chur uirthi ionas go mbeidh an ranníocaíocht a dhéanann sí le fíorluach do thogra soiléir. Ba chóir duit caitheamh le tacaíocht chomhchineáil mar chaiteachas agus mar ioncam araon: pé méid a dhearbhaíonn tú ar thaobh an chaiteachais, ba chóir duit é a dhearbhuí freisin ar thaobh an ioncaim.
--	--

Ní féidir am a thugann na stiúrthóirí nó comhaltaí boird a áireamh mar chostas chomhchineáil.

---

Iarrtar ort an t-ioncam, an caiteachas agus an méid atá á iarraidh agat a shonrú ag dhá chéim le linn d'iarratais:

- Ar líne, nuair a chuirfidh tú tús leis an iarratas (na figiúirí iomlána amháin)
- I gcuid 3 den fhoirm iarratais.

Cinntigh go bhfuil na figiúirí iomlána mar an gcéanna sa dá chás. Cinntigh freisin gurb ionann an méid atá á iarraidh agus CAITEACHAS IOMLÁN lúide IONCAM IOMLÁN.

### 1.6 Cad nach féidir leat iarratas a dhéanamh air?

I measc na ngníomhaíochtaí agus na gcostas nach féidir leat cur isteach orthu, tá siad seo a leanas:

- Mórcheannacháin chaipitiúla
- Príomhchostais leanúnacha
- Gníomhaíochtaí nó costais nach n-oireann do chuspóir na scéime
- Gníomhaíochtaí a d'oirfeadh níos fearr do scéim nó do dhámhachtain eile arna maoiniú ag an gComhairle Ealaíon nó arna feidhmiú ag gníomhaireachtaí stáit eile, Cultúr Éireann san áireamh
- Gníomhaíochtaí a bhí ar siúl cheana féin nó a gcuirfear tús leo sula ndéanfar cinneadh faoi d'iarratas
- Gníomhaíochtaí chun airgead a thiomsú le haghaidh carthanais, chun páirt a ghlacadh i gcomórtas, nó a bheidh ar siúl go príomha chun brabús a dhéanamh
- Gníomhaíochtaí atá measúnaithe cheana ag an gComhairle Ealaíon, ach amháin má mhol an Chomhairle Ealaíon duit go sonrach d'iarratas a atreorú chuig an scéim seo; cuimhnigh, áfach, nach ionann a leithéid de chomhairle agus léiriú go n-éireoidh leis an iarratas
- Gníomhaíochtaí a bhíonn ar siúl i dtimpeallacht oideachais fhoirmiúil – e.g. ailtire cónaithe i scoil; déantar freastal ar ghníomhaíochtaí den sórt sin faoi *Thionscnamh Náisiúnta na nAiltirí i Scoileanna*, atá á reáchtáil ag Foras Ailtireachta na hÉireann agus á chómhaoiniú ag an gComhairle Ealaíon (feic anseo le haghaidh tuilleadh faisnéise: <http://www.architecturefoundation.ie>).
- Tionscadail a bhraitheann ar fhoilseachá(i)n mar mhodh le rannpháirtíocht an phobail san ailtireacht a spreagadh murar féidir a léiriú gur modh éifeachtúil agus cinnte atá san fhoilseachán le haghaidh rannpháirtíocht an lucht féachana/éisteachta – e.g. trí bhealaí seachadta cuí, deimhnithe.

### 1.7 Cén t-ábhar tacaíochta nach mór duit a chur isteach le d'iarratas?

Anuas ar d'fhoirm iarratais, agus ar leithligh ar fad, d'fhonn a bheith incháilithe le haghaidh measúnú ar mhaoiniú faoin Scéim Rannpháirtíochta san Ailtireacht, **caithfidh** tú an t-ábhar tacaíochta seo a leanas a chur isteach ar líne:

#### Sraith 1: Forbairt tionscadail

- CVanna mionsonraithe atá cothrom le dáta (trí leathanach ar a mhéad) do gach duine a bhfuil baint aige nó aici leis an togra, lena n-áirítear an meantóir nuair is cuí
- Cáipéis (dhá leathanach ar a mhéad) ina leagtar amach go soiléir coincheap agus comhthéacs an tionscadail a ndéanfar taighde agus forbairt air, agus ina leagtar amach an plean oibre, achar ama agus na torthaí a bhfuiltear ag súil leo don ghníomhaíocht seo
- Cáipéis (dhá leathanach ar a mhéad) ina sonraítear an comhaontú idir an t-iarratasóir agus aon chomhpháirtithe beartaithe – ba chóir go gcuirfí miondealú soiléir ar ról agus ar fhreagrachtaí san áireamh in aon cháipéis den sórt sin
- I gcás go mbeartaítear meantóir, sceideal de chruinnithe agus an obair atá geallta ag an meantóir agus an iarratasóir; ní mór fianaise a áireamh anseo gur aontaigh an meantóir beartaithe páirt a ghlacadh sa tionscadal.

### Sraith 2: An tionscadal a chur i gcrích

- CVanna mionsonraithe atá cothrom le dáta (trí leathanach ar a mhéad) do gach duine a bhfuil baint aige nó aici leis an togra
- Buiséad mionsonraithe ar leithligh ina leagtar amach an t-ioncam agus an caiteachas beartaithe don tionscadal (ní mór é sin a chur isteach chomh maith leis an bhfaisnéis bhuiséid atá san fhoirm iarratais)
- Cáipéisí ina sonraítear an comhaontú idir an t-iarratasóir agus aon chomhpháirtithe beartaithe – ba chóir go gcuirfí miondealú soiléir ar ról agus ar fhreagrachtaí san áireamh in aon cháipéis den sórt sin
- Fianaise ar obair chúí agus ábhartha roimhe seo – e.g. samplaí de chlár, d'imeachtaí, de cheardlanna nó de thaispeántais a raibh tú bainteach leo
- Cur síos scríofa (trí leathanach ar a mhéad) den *Phlean Rannpháirtíochta agus Eadrána* i gcomhair do thionscadail. Ba chóir go mbeadh straitéisí a bhaineann le do smaoineamh, réasúnaíocht agus modheolaíocht sa réimse seo san áireamh. Ba cheart go dtabharfaí breac-chuntas sa doiciméad seo ar an gcaoi a bhfuil sé i gceist agat rannpháirtíocht an phobail leis an ailtireacht a chinntiú mar thoradh ar do thionscnamh. Ní plean margaíochta atá sa doiciméad seo.
- Tá obair le Daoine Soghonta i gceist le mo thogra, agus tá cóip de na Beartais agus *Nósanna Imeachta um Chosaint Daoine Soghonta atá i mBaol Mí-Úsáide* de mo chuidse curtha isteach agam. Féach *National Policy & Procedures on Safeguarding Vulnerable Persons at Risk of Abuse* ar [www.hse.ie](http://www.hse.ie) chun tuilleadh eolais a fháil.
- Má tá obair le hainmhithe i gceist le do thogra, ní mór duit cóip den cháipéis *Beartas agus Nósanna Imeachta um Chosaint Ainmhithe* de do chuid a chur ar fáil.

**Measfar nach bhfuil d'iarratas incháilithe murar chuir tú an t-ábhar tacaíochta riachtanach isteach.**

### Ábhar tacaíochta roghnach

Anuas ar an ábhar tacaíochta riachtanach a luaitear thuas, féadfaidh tú aon ábhar eile a chur isteach a mheasann tú a bheith ábhartha faoi choinne d'iarratais – e.g. bróisiúir, clár, ailt, léirmheasanna, moltaí, gearrthóga físe, etc.

## 2. D'iarratas a dhéanamh

### 2.1 Cláraigh le Seirbhísí ar Líne na Comhairle Ealaíon

Ní mór gach iarratas a dhéanamh trí Sheirbhísí ar Líne na Comhairle Ealaíon; ní ghlacfar le hiarratais a dhéanfar ar bhealach ar bith eile (tríd an bpost, ar fhacs nó ar an ríomhphost).

Ní mór duit cuntas Seirbhísí ar Líne a bheith agat chun iarratas a dhéanamh. Mura bhfuil cuntas Seirbhísí ar Líne agat cheana féin, cláraigh do chuntas tríd an bhfoirm cláraithe a chomhlánú anseo:

<https://onlineservices.artscouncil.ie/register.aspx?&lang=gd-ge>

Laistigh de chúig lá oibre seolfar ARN (uimhir thagartha ealaíontóra) uathúil agus pasfhocal chugat (i ríomhphost), agus beidh tú in ann úsáid a bhaint astu chun logáil isteach ar na Seirbhísí ar Líne.

#### Riachtanais maidir leis na Seirbhísí ar Líne a úsáid

Ní mór do do ríomhaire agus don bhrabhsálaí Idirlín na riachtanais seo a leanas a chomhlíonadh ionas go n-oibreoidh na seirbhísí ar líne duit:

<b>Ríomhaire</b>	Windows 7 nó níos déanaí le Internet Explorer 8.0 nó níos déanaí NÓ Firefox 27 nó níos déanaí NÓ Chrome 33 nó níos déanaí
<b>Mac</b>	Mac OS X v10.5 Leopard nó níos déanaí le Safari 3.1 nó níos déanaí NÓ Firefox 27 nó níos déanaí nó Chrome 32 nó níos déanaí

**Tabhair faoi deara:** Ní mór duit Microsoft Word nó OpenOffice Writer a bheith agat ar do ríomhaire freisin chun an fhoirm iarratais a chomhlánú. Bogearraí saor in aisce é OpenOffice Writer is féidir a íoslódáil ó <http://openoffice.org>.

#### Ní mór duit leagan OpenOffice Writer 4.0.1 nó níos túisce a úsáid.

Nuair a úsáideadh leaganacha níos déanaí de OpenOffice Writer ná 4.0.1 bhí fadhbanna leis an gcuma a bhí ar na foirmeacha iarratais nuair a cuireadh isteach trí sheirbhísí ar líne iad.

Féach ar fhíseán na Comhairle Ealaíon *Ag úsáid OpenOffice chun an fhoirm iarratais a íoslódáil, a líonadh isteach agus a uaslódáil* ag <https://www.youtube.com/user/ArtsCouncilDemos>.

Ba chóir d'úsáideoirí Apple Mac aird a thabhairt ar an gcuid a phléann leis an leagan 4.0.1 a íoslódáil ar Apple Mac a bhfuil na leaganacha is déanaí de Mac OS suiteáilte orthu.

Mura féidir leat aon cheann de na riachtanais sin a chomhlíonadh nó mura dtuigeann tú iad, téigh i dteagmháil linn le comhairle a fháil chomh luath agus is féidir leat roimh an spriocdháta.

#### Fág do dhóthain ama agat féin chun an t-iarratas a chomhlánú

Ba chóir duit eolas a chur ar shuíomh gréasáin na Seirbhísí ar Líne tamall maith roimh an spriocdháta agus roimh duit iarratas a ullmhú. Is dócha go mbeidh an-chuid cuairteoirí ar an suíomh tráthnóna an spriocdháta. Mar sin ba chóir duit d'iarratas a ullmhú agus a chur isteach tamall maith roimh an spriocdháta.

D'fhéadfadh an t-am uaslódála a bheith i bhfad níos faide ná an t-am íoslódála. D'fhéadfadh sé go dtógfadh sé níos faide ná mar a cheapfá d'ábhar tacaíochta a uaslódáil.

#### Tacaíocht theicniúil

Má tá tacaíocht theicniúil uait agus iarratas ar líne á dhéanamh agat, is féidir leat dul i dteagmháil leis an gComhairle Ealaíon ach ríomhphost a sheoladh chuig [onlineservices@artscouncil.ie](mailto:onlineservices@artscouncil.ie) nó trí ghlaoh a chur ar 01 6180200. Molaimid duit aon deacrachtaí teicniúla a thuairisciú dúinn tamall maith roimh an spriocdháta. Tabhair uimhir ghutháin agus déan cinnte go bhfuil tú ar fáil chun glaoh uainn a fhreagairt.

Déileáilimid le fiosruithe ar bhonn tús freastail ar an gceann is túisce.

Cuimhnigh go ndéantar anrud glaonna ag druidim leis an spriocdháta agus go mb'fhéidir nach réiteofar glaonna i dtaobh tacaíocht theicniúil a gheofar tar éis **2.30pm ar an dáta deiridh** roimh an spriocdháta.

## 2.2 Líon isteach an fhoirm iarratais

Mura bhfuil sé seo déanta agat cheana féin, íoslódáil an fhoirm iarratais don dámhachtain ar mian leat iarratas a dhéanamh uirthi. Is cáipéis Microsoft Word/OpenOffice Writer í an fhoirm iarratais, a chomhlánóidh tú as líne (ar do ríomhaire féin). Tugtar treoir ar an bhfoirm iarratais maidir le conas gach cuid den fhoirm a líonadh isteach.

### Do chás a chur i láthair

Chun an cás is fearr a chur i láthair maidir le cén fáth ar chóir duit maoiniú a fháil, ba chóir duit breithniú an-chúramach a dhéanamh ar cad a chuirfidh tú san áireamh sna codanna seo a leanas den fhoirm:

<b>2.2 Achoimre ar do thogra</b>	Déan achoimre ar do thogra (suas le trí phointe gearra). Má éiríonn le d'iarratas, foilseofar an achoimre seo ar na leathanaigh <b>Cé atá Maoinithe againn</b> ar shuíomh gréasáin na Comhairle Ealaíon; ar an ábhar sin, ba cheart duit a mheabhú go bhféadfadh níos mó daoine ná measúnóirí na Comhairle Ealaíon an méid a scríobhann tú a léamh.
<b>2.3 Sonraí faoi do thogra</b>	Cuid lárnach de do thogra is ea an méid a scríobhfaidh tú anseo agus ba chóir go gcabhródh sé leis na daoine a bheidh i mbun measúnú ar d'iarratas tuiscint a fháil ar cad is mian leat a dhéanamh agus cén fáth. I measc na nithe a d'fhéadfaí cur isteach, tá míniú praiticiúil ar an ngníomhaíocht atá beartaithe agat, do chuid spriocanna agus uailmhianta ealaíonta, an mór-chomhthéacs ina bhfuil tú ag déanamh an togra, agus aon fhaisnéis eile a mheasann tú a bheith ábhartha.
<b>2.4 D'iarratas agus na critéir mheasúnaithe</b>	Déan cur síos ar an dóigh a gcomhlíonann d'iarratas gach ceann de na critéir mheasúnaithe – feic cuid <b>3.3 Critéir chun iarratais a mheasúnú</b> .

## 2.3 Ullmhaigh aon ábhar tacaíochta atá riachtanach don iarratas

Ní mór duit ábhar tacaíochta a chur isteach le d'iarratas. De ghnáth, d'fhéadfaí a áireamh leis sin samplaí de shaothar reatha de do chuid – e.g. téacs, físeán, íomhánna, nó taifeadtaí fuaime.

Ní mór duit an t-ábhar tacaíochta uile den sórt sin a chur isteach ar líne; mar sin, ba chóir duit, más gá, ábhar a scanadh nó a shábháil i bhformáid leictreonach.

### Na formáidí comhaid a nglactar leo

Liostaítear sa tábla seo a leanas na formáidí comhaid atá inghlactha mar chuid d'iarratas.

<b>Cineál comhaid</b>	<b>Iarmhír comhadainm</b>
téacscomhaid	.rtf/.doc/.docx/.txt
comhaid íomhá	.jpg/.gif/.tiff/.png
comhaid fuaime	.wav/.mp3/.m4a
comhaid físe	.avi/.mov/.mp4
scarbhileoga	.xls/.xlsx
Comhaid Adobe Acrobat Reader	.pdf

Ar mhaithe le háisiúlacht, bailigh le chéile na comhaid go léir a theastóidh uait in áit inrochtana ar do ríomhaire.

### Naisc YouTube a chur isteach

Féadfaidh tú naisc a chur ar fáil chuig ábhar atá á óstáil ar YouTube ([www.youtube.com](http://www.youtube.com)) seachas an t-ábhar a uaslódáil go díreach. Chun é sin a dhéanamh, cóipeáil an URL (seoladh iomlán na háite ina bhfuil d'ábhar á óstáil ar YouTube) isteach i gcáipéis Microsoft Word nó OpenOffice Writer.

**Tabhair faoi deara:** Ní mór go mbeadh aon nasc a chuireann tú ar fáil á óstáil ar YouTube. Ní fhéachfar ar naisc le suíomhanna óstála eile.

Seiceáil go n-oibríonn an nasc ó laistigh den cháipéis a uaslódáil tú – i.e., go nascann sé i gceart le d'ábhar ar YouTube.



Mura mian leat go mbeadh ábhar a uaslódáilann tú chuig YouTube chun críocho d'iarraitais le feiceáil go poiblí, féadfaidh tú d'fhíseán a ainmniú mar cheann 'neamhliostaithe' sna socrúithe.

### Comhaid a ainmniú go cúí

Maidir le gach comhad a bhfuil sé ar intinn agat é a uaslódáil, tabhair comhadainm air a léiríonn go soiléir cad atá ann nó cad a léirítear leis. Mar shampla, ba chóir go mbeadh sé soiléir ó ainm an chomhaid cibé an CV, téacs samplach nó léirmheas ar shaothar roimhe seo atá sa cháipéis.

---

<b>Ainmneacha maithe</b>	russelljack iarratas.doc
<b>le tabhairt ar</b>	russelljack Beartas um Chosaint Leanaí.doc
<b>chomhaid i gcás</b>	russelljack nasc youtube.doc
<b>iarratasóra darb</b>	russelljack ioncam agus caiteachas.xls
<b>ainm Jack Russell</b>	

---

Is é **40 MB** an t-uasmhéid iomlán maidir leis an ábhar tacaíochta ar fad a uaslódáiltear le hiarratas amháin.

## 2.4 D'iarraitas a dhéanamh ar líne

Chun d'iarraitas a chur isteach ar líne, ní mór duit dul trí cheithre phríomhchéim. Cliceáil ar **Sábháil dréacht** ag deireadh gach céime. Is féidir leat teacht ar ais chuig d'iarraitas agus é a athbhreithniú tráth ar bith sula gcuirfidh tú isteach ar deireadh é.

### 1 Roghnaigh clár maoinithe agus íoslódáil an fhoirm iarraitais

Chun tús a chur le hiarratas nua, cliceáil ar an gcnaipe **Déan iarraitas** ar do leathanach baile, agus lean na leideanna chun an clár cúí maoinithe a roghnú agus chun uimhir uathúil thagartha a thabhairt do d'iarraitas, trína n-aithneofar é. Ag an gcéim seo, is féidir leat an fhoirm iarraitais a íoslódáil freisin (mura bhfuil sé sin déanta agat cheana féin).

### 2 Iarr méid an mhaoinithe

Ag an gcéim seo, sonraigh an caiteachas agus an t-ioncam a bhaineann le do thogra, agus méid an mhaoinithe atá á iarraidh agat. Ba chóir gurb ionann an méid a iarritar agus **Caiteachas iomlán** lúide **Ioncam iomlán**. Ba chóir go mbeadh na figiúirí deiridh a iontrálann tú anseo díreach cosúil leo siúd a iontrálann tú i gcuid 3 den fhoirm iarraitais.

### 3 Uaslódáil an fhoirm iarraitais agus an t-ábhar tacaíochta

Lean na leideanna chun d'fhoirm iarraitais atá comhlánaithe agus sábháilte agat, CVanna agus aon ábhar tacaíochta riachtanach eile a uaslódáil (feic cuid **1.7 Céim t-ábhar tacaíochta nach mór duit a chur isteach le d'iarraitas?**). Ní gá duit gach rud a uaslódáil ag an am céanna. Is féidir leat d'iarraitas a shábháil mar dhréacht, agus teacht ar ais chuige níos déanaí.

### 4 Seol an t-iarraitas

Nuair a bheidh tú sásta go bhfuil gach rud atá de dhíth chun tacú le d'iarraitas uaslódáilte agat, cliceáil **Cuir isteach**.

Ní féidir an t-iarraitas a athrú tar éis é a chur isteach. Ná cuir an t-iarraitas isteach go dtí go mbeidh tú iomlán sásta leis.

Ba chóir a bheith ag súil le dhá ríomhphost a fháil. Eiseofar an chéad cheann láithreach bonn nuair a gheobhaidh an Chomhairle Ealaíon d'iarraitas. D'fhéadfá an dara ceann a fháil cúpla nóiméad ina dhiaidh sin agus d'uimhir iarraitais ann, a úsáidfeá i ngach comhfhreagras a bhainfidh leis an iarraitas seo. **Tabhair faoi deara:** tá sé tábhachtach go rachfá i dteagmháil le [onlineservices@artscouncil.ie](mailto:onlineservices@artscouncil.ie) mura bhfaigheann tú an dara ríomhphost deimhnithe a mbeidh an uimhir iarraitais ann.

## 3. Próiseáil agus measúnú na n-iarratas

### 3.1 Forbhreathnú

Déanann an Chomhairle Ealaíon gach iarratas a mheas, tugann sí breith orthu agus cuireann sí a breith in iúl do na hiarratasóirí de réir na nósanna imeachta atá leagtha síos. Is é an aidhm atá ann a chinntiú go bhfuil córas cothrom trédhearcach ann maidir le maoiniú a bhronnadh.

### 3.2 An próiseas measúnaithe

Déanann an Chomhairle Ealaíon gach iarratas a fhaightear a phróiseáil mar seo a leanas:

- 1 Déantar na hiarratais a admháil.
- 2 Déantar na hiarratais a mheas maidir lena n-incháilitheacht agus ní chuirtear iarratas neamh-incháilithe ar bith san áireamh.
- 3 Déanann comhairleoir(i) agus/nó an fhoireann measúnú scríofa ar an iarratas.
- 4 Molann comhairleoir(i) agus/nó an fhoireann ar chóir iarratas a chur ar an ngearrliosta nó nár chóir.
- 5 Déanann an painéal piaraí athbhreithniú ar na hiarratais go léir ar an ngearrliosta agus ar an ábhar gaolmhar, ansin tugann sé scóir agus déantar cinntí.
- 6 Cuirtear na cinntí in iúl do na hiarratasóirí i scríbhinn.
- 6 Déanann an Chomhairle nóta de na cinntí.

#### Achar ama

Déanann an Chomhairle Ealaíon dianiarracht iarratais a mheasúnú chomh luath agus is féidir ach mar gheall ar líon na n-iarratas agus ar an bpróiseas dianmheasúnaithe, tógfaidh sé suas le deich seachtaine ón spriocdháta go dtí go ndéanfar an cinneadh.

### 3.3 Critéir chun iarratais a mheasúnú

Déantar iarratais a mheasúnú i gcomhthéacs iomaíoch agus cuirtear na hacmhainní atá ar fáil san áireamh. Déantar measúnú ar gach iarratas i gcoinne na gcritéar seo a leanas: **a)** fiúntas ealaíne, **b)** an chaoi a gcomhlíonann siad cuspóirí agus tosaíochtaí na dámhachtana, agus **c)** indéantacht. Cuirtear síos ar gach ceann de na critéir sin thíos.

Cé go bhféadfadh iarratasóirí foirmeacha ealaíne/cleachtais ealaíon eile a roghnú mar chinn a bhaineann lena n-iarratas, déanfaidh an fhoireann atá freagrach as an bpríomhfhoirm ealaíne roghnaithe measúnú ar an iarratas agus d'fhéadfaidís siúd, i gcásanna áirithe, measúnú tánaisteach a iarraidh ó fhoireann eile.

#### Fiúntas ealaíne

I gcás an mheasúnaithe ar an bhfiúntas ealaíne, díritear ar chleachtas an iarratasóra roimhe sin agus ar nádúr na gníomhaíochta atá beartaithe, chomh maith leis an méid seo a leanas:

- Caighdeán an smaoinimh agus na gníomhaíochta ealaíon atá beartaithe de réir mar atá léirithe san fhoirm iarratais agus sna hábhair thacaíochta a cuireadh isteach
- Cuntas teiste an iarratasóra de réir mar atá léirithe sa CV nó sna CVanna agus sna hábhair thacaíochta eile a cuireadh isteach
- Cumas an iarratasóra mar atá léirithe san fhoirm iarratais agus sna hábhair thacaíochta eile a cuireadh isteach
- Comhthéacs na foirme ealaíne nó an chleachtais ealaíon lena mbaineann an ghníomhaíocht atá beartaithe
- An uaimhian, an úrnuacht agus an inniúlacht atá léirithe ag an ealaíontóir.

#### Cuspóirí agus tosaíochtaí na dámhachtana a chomhlíonadh

Déantar iarratais a mheasúnú de réir a fheabhas a éiríonn leo cuspóirí agus tosaíochtaí na dámhachtana a chomhlíonadh; feic cuid 1.2 le haghaidh sonraí.

### Indéantacht

Breathnaítear sa mheasúnú indéantachta ar an gcumas a léiríonn an t-iarratasóir an ghníomhaíocht atá beartaithe a chomhlíonadh. Áirítear leis sin meastachán a sholáthar maidir leis na nithe a leanas:

- Na daoine a bhfuil baint acu leis an tionscadal a bhainistiú, a riar, agus a sholáthar
- A mhéid a léiríonn an t-iarratasóir go bhfuil coinníollacha agus luach saothair cothrom á soláthar do na healaíontóirí rannpháirteacha
- Comhpháirtithe eile a bheith rannpháirteach sa tionscadal
- An buiséad atá beartaithe
- Foinsí eile ioncaim
- Acmhainní eile atá ar fáil agus an teacht atá orthu
- An clár ama nó an sceideal atá beartaithe.

### 3.4 Painéil phiaraí

Is é cuspóir chruinnithe an phainéil piaraí ná éagsúlacht tuairimí saineolacha a cheadú chun faisnéis a chur ar fáil don phróiseas cinnteoireachta. De ghnáth cuimsíonn painéil phiaraí tríúr moltóirí seachtracha ar a laghad a bhfuil saineolas ábhartha acu ar an bhfoirm ealaíne agus/nó ar an gcleachtas ealaíon.

Bíonn comhalta de chuid na Comhairle Ealaíon i gceannas ar gach cruinniú de ghnáth agus gníomhaíonn an comhalta sin mar chathaoirleach gan ceart vótála. Freastalaíonn comhairleoirí agus foireann na Comhairle Ealaíon ar na cruinnithe de réir mar is gá, agus bíonn na daoine a raibh baint acu le measúnú tosaigh na n-iarratas ar fáil chun faisnéis a sholáthar, de réir mar is gá. Beidh rochtain ag lucht an phainéil ar gach iarratas ar an ngearrliosta agus ar an ábhar gaolmhar go léir lá roimh an gcruinniú, tráth a ndéanann siad na hiarratais ar an ngearrliosta a athbhreithniú, a phlé agus a scóráil. Ina dhiaidh sin, déantar iarratais a rangú de réir scóir. Mar thoradh ar an gcomhthéacs iomaíoch agus ar an mbuiséad ar fáil, is dóigh nach mbeidh an Chomhairle Ealaíon in ann a mhaoiniú ach líon beag de na hiarratais a gheofar.

#### Próiseas Scórála

Iarrtar ar an bpainéal na hiarratais a scóráil de réir an chórais seo a leanas:

- A – Caithfear a Mhaoiniú (10 bpointe): dar leis an gcomhalta painéil gur comhlíonadh na critéir go léir san iarratas le haghaidh na dámhachtana agus go bhfuil maoiniú tuillte aige ar an mbonn sin, an méid atá á iarraidh más féidir.
- B – Ba Chóir a Mhaoiniú (8 bpointe): dar leis an gcomhalta painéil gur comhlíonadh na critéir san iarratas an oiread sin go bhfuil maoiniú tuillte aige má tá acmhainní ar fáil.
- C – D’fhéadfaí a Mhaoiniú (5 phointe): dar leis an gcomhalta painéil gur comhlíonadh na critéir san iarratas, ach ní an oiread sin leis na hiarratais eile ó thaobh iomaíochta de.
- B – Ní Tosaíocht É (2 phointe): dar leis an gcomhalta painéil nár comhlíonadh na critéir san iarratas an oiread sin go bhfuil maoiniú tuillte aige.

#### Dearbhú leasa

D’fhonn cothroime agus cothromas sa chinnteoireacht a chinntiú, ní mór do chomhaltaí painéil leas a dhearbhu má tá dlúthcheangal pearsanta nó gairmiúil acu le hiarratasóir nó má tá baint acu ar shlí ar bith leis an iarratas. Féadann ‘leas’ a bheith ina ‘leas airgid’ nó ina ‘leas neamhairgid’ (e.g. gaol muintire, comhpháirtíochtaí pearsanta, nó comhpháirtíochtaí gnó idir fhoirmiúil agus neamhfoirmiúil, etc.)

Ní mór an leas a dhearbhu a luaithe agus is eol don chomhalta painéil é. D’fhéadfadh sé sin tarlú nuair a iarrtar air/uirthi suí ar an bpainéal (más eol an ‘leas’ ag an bpointe sin) nó tar éis liosta na n-iarrthóirí a fháil. I gcás go ndearbhaítear leas, ní bhfaighidh an comhalta painéil sin páipéir a bhaineann leis an iarratas sin agus beidh air nó uirthi an seomra a fhágáil nuair a bhíonn an t-iarratas ar leith á athbhreithniú. Nuair a thagann an cás sin aníos, vótálfaidh an Cathaoirleach in ionad an chomhalta painéil.

I roinnt cásanna b’fhéidir nach dtuigfeadh comhalta painéil go bhfuil coinbhleacht leasa ann go dtí go bhfaigheann sé/sí na páipéir phainéil chun iad a athbhreithniú. I gcásanna den sórt sin ní mór don chomhalta painéil ball foirne den Chomhairle Ealaíon nó Cathaoirleach an phainéil a chur ar an eolas chomh luath agus a thuigeann siad go bhféadfadh coinbhleacht leasa a bheith i gceist.

Sa chás go gcuireann beirt ón bpainéal in iúl go bhfuil coinbhleacht leasa acu i leith aon iarratais amháin, beidh an cathaoirleach páirteach mar chuid den phróiseas cinnteoireachta i gcás an iarratais shonraigh sin.

Má tá coinbhleacht leasa ag Cathaoirleach ainmnithe an phainéil, ní mór dó/di é sin a dhearbhu a luaithe agus is eol dó/di go bhfuil a leithéid ann agus an fógra sin a thabhairt i scríbhinn roimh an gcruinniú. Sa chás sin, beidh an Ceann Foirne mar chathaoirleach ar an bplé a dhéanfar maidir leis an iarratas a bhfuil coinbhleacht leasa i gceist leis.

### 3.5 Toradh na n-iarratas

Cuirtear gach iarratasóir ar an eolas i scríbhinn maidir le toradh a n-iarratas.

Má éiríonn le d'iarratas, cuirfear litir thairisceana chugat ina sonrúfar méid an mhaoinithe a bhronnfar ort agus téarmaí agus coinníollacha na dámhachtana. Inseofar duit freisin conas do dhámhachtain a tharraingt anuas.

Faigheann an Chomhairle Ealaíon líon mór iarratas, agus bíonn an t-éileamh ar mhaoiniú i gcónaí níos mó ná na hacmhainní a bhíonn ar fáil. Mura n-éireoidh le d'iarratas, is féidir leat aiseolas a iarraidh ar fhoireann na Comhairle Ealaíon. Níl aon ghealltanas ann go mbronnfad dámhachtain mar gheall ar incháilitheacht agus ar chomhlíonadh nósanna imeachta iarratais amháin.

Níl iarratasóirí nach n-éireoidh leo incháilithe chun iarratas a dhéanamh ar dhámhachtain eile de chuid na Comhairle Ealaíon le tabhairt faoin ngníomhaíocht chéanna. Más dóigh leis an gComhairle Ealaíon go mbeadh an ghníomhaíocht atá beartaithe níos feiliúnaí do chlár dámhachtana eile is féidir eisceacht a dhéanamh. I gcás dá leithéid, cuirfear é sin in iúl duit i scríbhinn.

#### **Achomhairc**

Is féidir le hiarratasóirí cinneadh maoinithe a achomharc má mheasann siad gur sáraíodh nósanna imeachta foilsithe na Comhairle Ealaíon, nó gur cuireadh i bhfeidhm go héagórach iad nó nár cloíodh leo. Má mheasann tú nár cloíodh le nósanna imeachta na Comhairle Ealaíon, breathnaigh ar an bpróiseas achomharc ar <http://www.artscouncil.ie/ga/Maoiniu/Achomhairc/> nó téigh i dteagmháil leis an gComhairle Ealaíon le haghaidh cóip den bhileog faisnéise faoin bpróiseas achomharc.